

10067  
:85



皇朝文獻通考卷一百四十八

王禮考 二十四

國恤

臣等謹按典禮


孝莊文皇后自

世祖章皇帝時正位慈寧

聖祖仁皇帝踐阼尊號

太皇太后奉事二十餘年孝思純篤

太皇太后違豫





聖祖仁皇帝親侍左右衣不解帶者一月有餘禱于

南郊

親製祝文願減已算以增

慈壽及遇

大事哀毀盡禮欲持服二十七月中外臣民陳奏再三始

允所請而釋服以後

御偏殿衣布素如故洵所謂終身之慕也會典列為

太皇太后喪儀今遵其例

康熙二十六年十二月己巳

太皇太后崩奉安

梓宮於宮中正殿

臣等謹按是時禮部奏言

本朝后喪俱不割辮且

太皇太后不豫時曾向

皇太后諭云我病若不起皇帝斷勿割辮應謹遵行得

旨

太皇太后教育恩深朕自盡其心仍行割辮又

諭禮部云朕孝服用布舊制國有大喪自宗室公以上服



皇朝文獻通考 卷二百四十八  
素帛今孝服俱改用布  
聖孝誠篤有加於常禮如此

庚午諸王大臣合詞奏請節哀不允是時

上在

大行太皇太后梓宮前晝夜號痛不止水漿不入口

天顏癯瘠諸王貝勒貝子公等皆跪奏請節哀得

旨親在則竭心盡力以盡孝親歿則思報教育之恩終身

不忘爲子孫者誼所當然

太皇太后高厚之恩可一刻忘乎

諭畢復大慟不已次日內閣翰林院九卿詹事科道等齊

集

慈寧宮門奏請節哀得

旨朕忽遭大故五中憤迷非不知恪遵

遺誥守身爲重勉自抑哀強進飲食但悲從中來情實痛

切莫由自主以至昏迷卽欲少餐餽粥亦不能下咽非

故却不御覽奏具見誠悃朕當強支自愛卿等無須過

慮

二十七年正月乙亥朔



聖祖仁皇帝暫駐

慈寧宮前院幕次

令王以下輟哭一日先是諸王大臣等奏元旦乃吉祥之

日今

聖躬不離喪次臣等甚爲不安請于除夕回宮停止哭泣

得

旨數日以來朕心甚覺憤迷今據爾等所奏稍有關係元

旦日

太皇太后梓宮前令宮人照常上食

慈寧宮前院內諸皇子所住幕次朕當于此暫居一日諸

王大臣等復再三叩請

諭曰人主宮殿原多可以因時駐蹕若在庶民遭此大故

所居止於一室又遷避何所回宮斷不可行諸王大臣

等復叩首奏曰臣等焉敢求

皇上回宮休息但以元旦乃歲首之辰扇閉

乾清宮所係甚大得

旨朕不幸當此大故設

太皇太后之變恰遇於二十九三十日將若之何亦惟有



皇朝文獻通考 卷二百四十八 四  
聚集此處豈可他避也爾等再三奏勸止於元旦暫移  
少忍哀慟是亦從爾等之請矣諸臣敦請再四終不允  
是日

聖駕暫移前院幕次次日仍居喪次哀慟如初

乙酉奉移

大行太皇太后梓宮暫安於朝陽門外殯宮先是欽天監

擇二十六年十二月二十九日發引

聖祖仁皇帝令別擇吉日諸臣言舊制喪事不令踰年

上曰爾等念朕躬勞苦朕豈不自知但二十九日發引爲

期太近兩皇后梓宮尚遲至多日若以

太皇太后梓宮拘舊例謂踰年不便速行發引於大義不  
合舊例有可從者有不可從者朕意在正月十七十八  
日方可發引著另行選期具奏諸王大臣等又奏曰  
本朝向行之例踰年爲忌似宜仍請於二十九日發引  
得

旨爾等所云忌諱祇爲朕躬朕殊不避忌朕前禱

天壇尚欲減朕年以增

太皇太后之壽豈以



梓宮踰年發引乃有避忌乎如有所忌朕躬當之否則忌諱之說虛誕不足信亦可以破後人之疑使皆以朕爲法乃改期於正月十一日發引

上居

大行太皇太后殯宮旁倚廬不還宮三日始設禭戊子諸

王大臣屢請還宮

聖駕乃還幕居於

乾清門外之左諸王大臣百官懇請回宮調攝

諭曰朕遭

太皇太后崩逝欲持服二十七月立意甚堅諸王大臣及百官士民再三陳奏情辭懇切不得已勉從所請中心歉仄因幕居乾清門外今乃又請回宮不過以朕躬爲念身爲天子豈不自愛但人孰無祖父母父母爲子孫者皆當盡孝何分貴賤朕孝治天下思以表率臣民垂則後裔今距釋服之期爲時甚近若從所言以致異日稍留遺憾恐非諸臣愛君之意卿等其仰體朕心勿復

言

乙未行大祭禮釋服先是二十六年十二月



諭諸王貝勒貝子公內大臣大學士九卿詹事科道等自漢以來帝王居喪持服以二十七月易爲二十七日惟魏孝文帝欲行三年之喪朕平日讀史至此常稱贊之今非欲邁古賢君祇念朕八歲世祖皇帝賓天十一歲慈和皇太后崩逝全賴聖祖母太皇太后鞠養教誨以至成立遽遭大故實增痛傷哀疚靡盡今定持服二十七月少慰罔極之痛朕獨持於宮中幾政毫無曠廢不令臣民持服一切俱不禁

止如此可以遂朕本懷諸王大臣等合詞奏稱帝王之孝與臣民不同願以禮節哀易月之典守而勿更得

旨朕事

太皇太后三十餘年竭盡哀誠無稍違拂近者

聖體違豫三十餘日衣不解帶必誠必敬朕之此志期在必遂否則貴爲天子富有四海亦奚以爲諸王大臣等聞諭皆感悚嗚咽復奏言祭爲吉禮必除服後舉行若使



郊

廟神靈少有弗歆卽

太皇太后在天之靈亦必不安且君臣兆姓本屬一體若

皇上持服宮中聽臣民卽吉甚非一體之義况

皇上奉

慈寧三十餘年晨昏侍養罔不承順意旨今於

慈闈遺命若不曲遵恐有虛

太皇太后倦倦之意臣等不揣愚賤敢以固請得

旨朕意已定不必更奏於是王公羣臣公疏跪奏於

慈寧門不聽諸王大臣往復數次固請

聖意益堅內閣九卿翰林詹事科道或公疏或特奏力陳

不可國子監官率太學生五百餘人伏

闕上書諸王大臣復免冠叩首固請乃

諭曰朕以薄祜幼失

怙恃幸依

聖祖母膝下如見

皇考妣音容今遭遐棄痛念

慈恩悲哀并集欲持服二十七月仰答



聖祖母鞠育深仁兼報二十七日

皇考妣劬勞大德諸王大臣及各官等援引歷代成例堅

請再三並稱

郊廟祀典不宜久輟升祔大禮及時舉行且士民赴闕披

瀝衆情謂國恤淹久有妨民業朕反覆思維不得已以

禮抑情勉從衆請該部知道

已酉奉移

太皇太后梓宮於

暫安奉殿

奉移後禮儀並載山陵門後條俱仿此

十月乙卯恭上

大行太皇太后尊諡曰

孝莊仁宣誠憲恭懿翊天啟聖文皇后

聖祖仁皇帝親詣

暫安奉殿行禮

臣等謹案我

朝典禮

孝端文皇后

孝康章皇后



孝惠章皇后

孝恭仁皇后大事皆在尊稱

皇太后之後會典另為一門載於

皇后喪儀之前今遵其例謹將

孝聖憲皇后喪儀詳悉記載以垂萬世之

大典焉

順治六年四月乙巳

孝端文皇后崩奉安

梓宮於宮中正殿

七年二月丁亥恭上

大行皇太后尊諡曰

孝端正敬仁懿莊敏輔天協聖文皇后

戊子奉移

孝端文皇后梓宮於

昭陵

康熙二年二月庚戌

慈和皇太后崩次日恭奉

梓宮於宮中正殿

庚申奉移

梓宮於壩上

饗殿

五月甲午恭上

慈和皇太后尊諡曰

孝康慈和莊懿恭惠崇天育聖章皇后

乙未奉移

孝康章皇后梓宮於

孝陵

五十六年十二月丙戌

仁憲皇太后崩恭奉

梓宮於

寧壽宮正殿

丁酉奉移

梓宮於朝陽門外殯宮

五十七年正月辛酉恭上

仁憲皇太后尊諡曰

孝惠仁憲端懿純德順天翊聖章皇后



孝惠章皇后梓宮於  
山陵 正十一年五月辛酉恭土

仁壽皇太后崩恭奉  
梓宮於 山陵 雍正元年五月辛丑

寧壽宮正殿  
甲辰恭移梓宮奉安於 辛十二月初九

壽皇殿  
八月己未恭上

仁壽皇太后尊諡曰  
孝恭宣惠溫肅定裕贊天承聖仁皇后

乙丑奉移  
孝恭仁皇后梓宮於

景陵  
三年八月丙戌

孝恭仁皇后三年服闋

皇朝文獻通考 卷二百四十八



世宗憲皇帝詣

奉先殿祭告行釋服禮先是五月

聖祖仁皇帝服闋

世宗憲皇帝以

孝恭仁皇后服制未滿仍齋居

養心殿素服泣事總理事務王大臣等奏請遵制舉

行吉禮得

旨國家大禮

皇考

皇妣雖有輕重之別而朕之私衷則不容分視外邊吉禮

令照國家典制舉行已有諭旨朕於宮中務期獨盡人

子之禮況今二十七月並非勉強從事沾取孝名以爲

觀美祇求朕心之安耳禮盡則朕心自安朕意已定諸

王大臣毋得再奏七月內閣九卿詹事科道議奏八月

二十三日爲

孝恭仁皇后服闋之辰應照前

聖祖仁皇帝服闋典禮擇日行禘祭禮并行令順天府尹

及直省各督撫出示曉諭以慰輿情奉



旨朕疊遭直首各營無出不知何以與哉

皇考 皇帝崩國喪數日於祭禮法皆合即天

皇妣大事追念罔極恩深莫由仰報三年以來祇於宮禁

之中齋居素服默盡思慕哀戚之忱非敢自謂遵循古

禮更不欲宣播於眾也父母之喪人子之心則一而帝

后之禮國家之制則殊今屆

皇妣孝恭仁皇后釋服之期擇日於

奉先殿祭告自行家禮至於頒諭中外著不必行及是日

祭畢

聖駕回宮諸王大臣齊集

乾清門

世宗憲皇帝召諸臣入

諭曰父母之恩鞠育顧復為人子者終身仰報不盡而朕

荷

皇考

皇妣之恩尤為至深至厚誠所謂欲報之德昊天罔極也

三年之中如祭祀朝會國家大禮不可曠缺朕亦照例

舉行不過於宮中持服默盡其心究未能盡此心於萬



一也日月易邁已屆三載禮制有定而朕心無窮此一件素衣朕衣著三年今日更換不勝悽愴朕之一念豈但三年固結於中即終身之久斷不能忘也

諭畢

天顏慘戚諸王大臣仰見

聖孝誠篤莫不感動涕零

乾隆四十三年正月庚寅

皇太后崩奉安

梓宮於

慈寧宮

上哀慟號呼擗踊無數摘冠纓易素服哀搶倍至

上至含青齋苦次王公大臣懇請還宮

上不允是日

諭曰朕蒙

聖母皇太后鞠育恩慈情深罔極臨御四十二年承

歡奉養深荷

慈愉且見

聖母動履康強不煩扶掖私心慶慰第



壽日益高萬年豈真可祝欣喜之餘并不敢存孔子一則  
以懼之想惟有誠祈

天佑益算延祺而朕愛日之惴忱實無能一刻稍置今春

恭奉

皇太后幸御園初九日於九州清晏侍

膳觀燈五世一堂同伸歡忭是日

慈顏康豫不減常年朕方慶幸以望七之齡得侍

望九聖母實從來史冊所未有及十一日進宮齋戒十四

日

祈穀禮成御園請

安知

聖母偶爾違和旋進參藥調治體亦稍安不意疾尋反復

聖母猶不欲令朕知

慈躬病劇恐朕憂煩然勢日以增急難平復朕兩次詣

寢宮問

安

聖母言笑如常惟氣力稍覺疲倦

諭朕云頤養數日可卽就痊朕亦冀可克副



慈諭詎意將及夜分痰忽上湧遂至大漸遽於二十二日  
丑時以常封康文節公仙馭升遐奄棄朕躬一何迅速昨日未時請  
安以後竟無由再仰

懿顏呼天搶地痛何能極至於孝服日期以常封康文節公  
皇太后遺誥令朕穿孝二十七日然追憶雍正十三年遭  
皇考大故朕欲持服三年因奉諭旨聖母慈諭止令穿孝百日朕即遵從今值  
皇太后之事朕仍當依

前諭穿孝百日其餘王公大臣官員等並照例二十七日

而除辛卯

諭曰朕自登極以來即尊養

皇太后於暢春園迄今四十二年視膳問安承

歡介景所以奉

懿娛而盡愛敬爲時最久今奄遭大故遵例於

慈寧宮辦理喪儀痛深用極因念奉安

梓宮於

陵寢地宮訊吉鳩工尚需時日稽諸舊典理宜



皇朝文獻通考 卷二百四十八  
殯宮移奉以展哀誠與其另擇  
暫安奉殿自不若

暢春園為

皇太后頤和娛志之地  
神御所安最為妥適業於

九經三事殿易蓋黃瓦敬設

几筵謹涓本月二十九日舉行奉移禮所有應行事宜各

該衙門即速敬謹豫備是日王公大臣奏竊惟

皇太后慈馭上賓我

皇上孝思罔極呼號擗踊盡禮盡哀第朝夕居於苦次

聖壽已高恐或稍失調攝未免毀瘠過甚非所以仰答

皇太后平素慈愛之忱即

妃嬪主位等均在

慈寧宮居住日夜不離

聖母几筵承侍

左右

聖心亦可稍釋

臣等不揣冒昧仰懇

皇上少節哀情暫請還居



養心殿稍加調攝以副

天

地

祖宗眷顧之重以慰

皇太后在天之靈臣等無任哀悚待

命之至奉

諭日知道了朕心不忍移居且過明日再定又奏竊臣

等於本日奏請臣等未敢違礙其後以仰答

皇上稍節哀情暫請還居臣等何敢復行實請但恭閱

養心殿奉

旨知道了朕心不忍移居且過明日再定欽此仰見

皇上孝思肫篤追慕無窮臣等何敢復行實請但恭閱

實錄

世宗憲皇帝居

仁壽皇太后喪次因念

宗廟

社稷之重恐失調攝曾在宮內居喪齋宿况

慈寧宮內素為閒空而今日天氣甚寒







大行皇太后梓宮前行殷奠禮悲傷號泣哀慟不止是日  
諭曰朕於本月二十九日敬移

皇太后梓宮於  
九經三事殿安奉朕卽在  
暢春園之無逸齋居住以便朝夕侍奠

几筵用伸哀悃又奉

諭曰雍正十三年

皇考龍馭上賓朕欲持服三年羣臣請循以日易月之制  
朕皆未允嗣奉

聖母慈諭令朕持服百日因卽遵行然百日釋服後仍素  
服滿二十七月今遭

聖母大故自應仍遵

懿旨持服百日昨已明降諭旨矣其素服二十七月亦照

前例惟遇

壇

廟大祀行禮及致齋三日闕視

祝版先期詣

壇並視朝聽政諸事朕從前惟準理而行並未載在會典



此時當詳議及之又如王公大臣官員持服二十七  
日而除素服則滿百日至百日後用何服色及陪祀  
齋戒常朝坐班並一切典禮應如何定制亦當酌定  
章程頃檢閱雍正十三年王大臣等條款頗為該括  
著將原摺交軍機大臣會同辦理喪儀王大臣等悉  
心詳議具奏癸巳

大行皇太后梓宮前行朝奠禮悲傷號泣哀慟不止是日  
王公大臣奏查滿洲向例奉移之日即回原處居

通考 卷四十八 缺二十九号 兩篇

皇上久居之處與宮中無異仰懇於敬移禮成後即回  
圓明園居住奉

諭曰朕本意俟

皇太后梓宮於

九經三事殿奉安禮成即在暢春園之無逸齋居住以伸  
哀悃茲據王公大臣等合詞具奏滿洲舊例奉移之



此時當詳議及之又如王公大臣官員持服二十七  
日而除素服則滿百日至百日後用何服色及陪祀  
大齋戒常朝坐班並一切典禮應如何定制亦當酌定  
章程頃檢閱雍正十三年王大臣等條欵頗為該括  
著將原摺交軍機大臣會同辦理喪儀王大臣等悉  
心詳議具奏癸巳

大行皇太后梓宮前行朝奠禮悲傷號泣哀慟不止是日  
王公大臣奏查滿洲向例奉移之日即回原處居

住伏思  
圓明園係二十六年所建

世宗憲皇帝

皇上久居之處與宮中無異仰懇於敬移禮成後即回  
圓明園居住奉

諭曰朕本意俟

皇太后梓宮於

九經三事殿奉安禮成即在暢春園之無逸齋居住以伸  
哀悃茲據王公大臣等合詞具奏滿洲舊例奉移之



日應回原處居住且稱圓明園係前朝舊址奉安  
皇考及朕久居之處即與宮中無異請於是日即回圓明

園等語既舊例如此著照所請於二十九日奉安

皇太后梓宮禮成仍回圓明園居住至朕遭

聖母大故理應於奉

皇祖上入宮之喪與宮中無異酌擬於梓宮禮成後即回

皇考前告哀但

壽皇殿在城內二十九日步送

梓宮後自揣實不能再行禮且應即往暢春園恭候奉迎

因思

安佑宮係

皇祖

皇考神御所在與

壽皇殿相同擬於二月初一日躬詣祇告初二日仍至暢

春園之無逸齋設苦次居住以伸哀戀乙未王公大

臣奏請

皇上於初二日詣

九經三事殿申奠後仍回



圓明園居住

聖躬可稍資調攝亦足以慰

聖母在天之靈且與滿洲向例相合

王公大臣所請不准丙申奉移

大行皇太后梓宮

上自

隆宗門至

慈寧門降輿入

請

梓宮前奠酒呼搶擗踊痛哭盡哀左右皆哀泣不忍仰視

梓宮啟行出

永康左門升大輦

上西向跪哭攀掖步送王公大臣等再四叩懇准於第

二次昇夫換班時先赴

暢春園宮門外祗候午刻

梓宮至

上跪迎奉安於

九經三事殿號泣良久奠酒禮畢



上駐圓明園

二月丁酉

上詣

安佑宮

聖祖仁皇帝

世宗憲皇帝御前行告哀禮是日

上居無逸齋苦次戊戌王公大臣等奏

無逸齋屋院無多且俱淺窄前後又無寢室止有小

殿數楹暫時

駐蹕尚覺非宜辦事久居實為不便在

皇上誠孝胞篤盡禮盡哀苦出之中固不肯自求安適

而臣等實因

聖壽已高寢興寒煥不可不加意調護以副

天

地

祖宗眷顧之重今初二日已在

無逸齋居住

聖心亦可稍安若長此倚廬倘起居畧有失調實非所



皇太后平素慈愛之意臣等愚昧徬徨倍增憂懼爲此瀝

誠合詞再請仰懇

皇上於初三日

朝奠行禮後仍回

圓明園居住

几筵甚近

聖駕常詣奠獻仍足以伸哀慕而展孝思與在

無逸齋無異伏惟

慈鑒奉

諭曰王公大臣等屢勸朕仰體

皇太后聖心善爲調攝朕不得不勉從所請於初三日

朝奠後仍回圓明園甲辰

諭曰軍機大臣等查奏二十七月內御殿視朝儀注查

乾隆元年元旦已過百日後奉

聖母皇太后懿旨以御極之初應受百官朝賀且朕應恭

詣

皇太后宮行禮是以陞殿受賀至此後二十七月內均未



皇朝文獻通考 卷二百四十八  
經舉行茲乾隆四十三年四十四年元旦非元年可  
此又尚在二十七月內所有陞殿受賀之處不必行  
至尋常御殿視朝恭查

皇考世宗憲皇帝時曾於二十七月內舉行數次蓋尋常  
陞殿與御門聽政無異若隔至二十七月之久於體  
制似有未協自應遵照舉行所有百日後陞殿之處  
著該衙門屆期奏請候朕降旨

三月壬午恭上

大行皇太后尊諡曰

孝聖慈宣由惠敦和敬天光聖憲皇后

上親詣

九經三事殿行禮先是正月辛卯

諭曰

大行皇太后坤元協德懋著徽音四十二年母儀天下尊  
養兼隆福德備至實古今史冊所未有今忽遭

仙馭升遐朕心哀痛不能稍釋敬稽典禮宜隆

諡號以表尊崇第

至德難名實非臣下擬議所能切當朕欲親尊為



孝聖憲皇后其令大學士九卿公議可否如是及所有節

次晉加

徽號其中或有按例應行酌減及應增加字樣仍著敬謹

詳議具奏尋復奏臣等謹查

孝莊文皇后徽號十二字

孝惠章皇后徽號十字於恭上

尊諡時俱敬列十二字今

大行皇太后徽號係十八字臣等遵

旨詳議於

徽號擬用六字又照例增加四字恭上

尊諡曰

孝聖慈宣康惠敦和敬天光聖憲皇后以符禮制謹合詞

具奏伏候

欽定奉

旨是依議

四月戊申奉移

孝聖憲皇后梓宮於

泰東陵



四十四年四月癸酉

孝聖憲皇后三年服闋

皇上詣

泰東陵行釋服大祭禮

列后喪儀初崩恭受

遺誥

命王大臣恭理喪儀

皇帝成服截髮辮諸王之為子者皆成服截髮辮

皇子

皇孫隨成服

皇后成服剪髮諸王福晉為子婦者皆成服剪髮

妃

嬪暨

皇子

皇孫福晉皆成服王公百官宗室覺羅及內務府所

屬官員皆給白布制服公主福晉以下二品命婦

以上及內務府所屬婦女給布制服如之

皇帝居翼室喪服二十七日素服



上諭用藍筆二十七日外易素服

御門聽政諸內務府及儀衛司文翰亦歸服之

凡筵前仍喪服三十七月而除公主薨皆以十二品命婦

皇后服如之百太妃王公百官宗室暨驛及內務府

皇子

皇孫及治喪儀王大臣

殯宮守衛執事官員百日除服羣臣二十七日除服皆素

服百日不薙髮奏疏文移用藍印十有五日內外

各官百日不作樂不嫁娶餘儀與

列聖初崩同尚書文官奉朝由中門入

右初崩制服哭內務府及儀衛司文翰亦歸服之

其日殮奠所司於奉安

梓宮殿內正中施黃幔左右素帷內鑾儀校陳

儀駕手門外諸執事皆辨二品官以上立

皇帝立殿檐東西向哭

皇子

皇孫立丹陛西

皇朝文獻通考



皇后率立於西

妃

嬪公主及在內福晉立

几筵殿內王公以下文武二品官以上立

宮門外三品以下官立外門之外王公福晉夫人郡

主以下二品命婦以上立

宮門內丹墀西三品以下命婦立

宮門外之西皆傳哭內務府總管命婦率尚茶女官

奉茶尚膳女官奉膳由中門入

皇帝詣

几筵前跪衆皆跪尚茶女官跪進茶內監奉茶轉進

皇帝舉茶奠于案行一拜禮衆皆隨行禮尚茶女官徹

茶尚膳女官進膳揭巾幕

皇帝視上食畢執事官進奠几于正中

皇帝詣几前跪奉爵王大臣跪進爵

皇帝祭酒三爵每祭一拜衆隨叩興乃徹饌哭止

皇帝還翼室衆各退嗣是朝晡日中三奠朝晡進羹飯

肴饌日中進果筵餘儀均與



列聖殮奠同

右殮奠朝晡日中奠

越日禮部尚書侍郎一人率祠祭司官詣內閣祇

領

遺詔恭鑄騰黃

頒于直省遣使齎諭朝鮮國王理藩院遣官分路往諭

外藩蒙古均如頒

遺詔儀

詔下之日順天府府尹率屬制服跪迎奉安于公署直省

文武官率屬素服郊迎入公廨奉安畢易制服均

朝夕哭臨三日二十七日釋服百日內不薙髮不

作樂不嫁娶

京師暨直省軍民男摘冠纓女去首飾素服七日二

十七日不作樂不嫁娶朝鮮國王遣陪臣上表進

香其使臣在京者給白布制服外藩蒙古王台吉

公主福晉等至京行叩謁禮在二十七日以內皆

制服後二十七日至者男去冠纓女去首飾各三

日



右頒遺詔

諫日殷奠工部設祭文案于殿檐下之東內鑾儀  
校陳

儀駕宮殿監侍導恭理喪儀王大臣內務府總管率執事

官入陳饌筵半酒畢仍導以出內務府總管命婦

率內管領妻奉

冠服篚

後奉篚均仿此豫設于供牀

皇帝詣

几筵前哭內外齊集者傳哭奠茶上食讀文三祭酒衆隨

行禮徹奠

皇帝避立于左祭文送至燎所首領內監接奉內務府

命婦內管領妻奉

冠服篚出

皇帝跪候過輿從行公主及在內福晉咸出隨行王公

百官皆退避齊集之福晉命婦各于其位跪候過

典隨行

皇帝至燎所跪衆咸跪

皇帝祭酒三爵每祭行一拜禮衆隨拜興畢哭止餘儀



列聖殷奠同禮記集說

與右殷奠

啟殿如殷奠儀

奉移殯官禮記集說

初祭

大祭

月祭以上禮儀均如列聖喪儀

諏日恭上

尊諡

廟號先期內閣敬擬

尊諡進呈

欽定恭上

尊諡禮成翼日

頒詔布告天下儀與恭上禮記集說

列聖尊諡同禮記集說

右土尊諡

百日祭



時薦祭

暮年小祥

聖尊節再暮大祥

終喪除服以上禮儀均如列聖喪儀

皇朝文獻通考

禮考

卷一百四十八

皇朝文獻通考

卷一百四十八

皇朝文獻通考卷一百四十九

王禮考二十五

國恤

臣等謹按典禮錄文直書其終集舉哀歸鼎

孝誠仁皇后

孝昭仁皇后

孝懿仁皇后

孝敬憲皇后皆崩於正位中宮之時會典列為

皇后喪儀今從其例



孝賢皇后喪儀恭紀於次

治書康熙十三年五月丙寅之部會典原為

仁孝皇后崩奉安

梓宮於

乾清宮禮部題准現今三藩叛逆大兵致討在外各

官舉哀有感觀聽移文直省免其齊集舉哀制服

及遣官進香戊辰奉移

梓宮於西華門外

殯宮庚寅奉移

梓宮暫安於都城北沙河華城

殯宮 至二十年奉移 梓宮於 陵寢 六月庚申

冊諡

大行皇后曰

仁孝皇后

臣等謹按雍正元年六月改上

尊諡曰

孝誠恭肅正惠安和儷天襄聖仁皇后

十七年二月丁卯



孝昭皇后崩奉安

梓宮於宮中正殿己巳奉移

梓宮於

武英殿

三月丙申奉移

梓宮於沙河鞏華城與

仁孝皇后同安於

殯殿

閏三月辛酉

冊諡

大行皇后曰

孝昭皇后

臣等謹按雍正元年九月加上

尊諡曰

孝昭仁皇后

二十年二月癸卯奉移

仁孝皇后梓宮同

孝昭皇后梓宮於



陵寢

二十八年七月甲辰

孝懿皇后崩奉安

梓宮於

承乾宮正殿丁未奉移

梓宮於朝陽門外

殯宮

九月乙卯

冊諡

大行皇后曰

孝懿皇后

臣等謹按雍正元年九月加上

尊諡曰

孝懿仁皇后

十月甲戌奉移

孝懿皇后梓宮於

陵寢

雍正九年九月己丑



孝敬皇后崩奉安

梓宮於

暢春園九經三事殿

十月丁酉奉移

梓宮暫安於田村

殯宮

十二月己亥

册諡

大行皇后曰

孝敬皇后

十三年八月

皇上御極九月辛酉

上詣

孝敬皇后几筵前致祭先期

諭王大臣等曰九月二十五日朕親詣

孝敬皇后几筵祭奠所有祭品應否加增之處著議奏尋

議此次乃四周年之祭一切祭儀俱照二周年三

皇朝文獻通考 卷一百四十九



皇上親詣行禮應加添冠一頂衣一襲以展孝思得

旨是

皇十一月初五日丙辰恭上祭品懇否

皇妣孝敬皇后尊諡曰二十五年日知縣前

孝敬恭和懿順昭惠佐天翊聖憲皇后

乾隆二年二月庚辰奉移

孝敬憲皇后梓宮於

泰陵 十三年八月

十三年三月乙未

孝賢皇后崩辛丑奉安

梓宮於

長春宮是月丙申奉

諭旨

皇后同朕奉

皇太后東巡諸禮已畢忽在濟南微感寒疾將息數天日

覺漸愈誠恐久駐勞衆重厘

聖母之念勸朕回鑾朕以途次亦可將息因命車駕還京

大令至德州水程忽遭變故言念



大行皇后乃水野恩獻變姑言念一與以...  
皇考恩命作配朕躬二十年以來誠敬思因命車駕歸京  
皇考孝奉愈篤恐人謂樂果重聖

聖母事朕盡禮待下極仁此亦宮中府中所盡知者今在

舟行值此事故永失內佐痛何忍言一應典禮至京

備舉行布告天下咸使聞知嗣是每日

几筵前上食三次

上皆親臨及至通州暫奉

大行皇后梓宮於蘆殿

靈駕至京由東華門入至

長春宮奉安於正殿

皇上親臨視安奉

梓宮畢

皇子祭酒三爵眾隨行禮畢各退巳酉奉移

梓宮暫安於景山

觀德殿

頒勅諭於天下先是和碩履親王允禩等言謹按會典

內載



孝誠仁皇后喪儀禮部題准移文直省免其齊集舉哀制  
 服蓋緣康熙十三年時值三藩叛逆大兵致討恐  
 在外各衙門舉哀制服有感觀聽是以禮部題明  
 免直省官民治喪原屬一時權宜嗣後相沿遂未  
 更正考周禮為王后服齊衰注言諸侯諸臣皆齊  
 衰是內外臣無異也明會典載皇后喪儀十三布  
 政使司及直隸禮部請勅差官訃告在外文武官  
 員軍民人等制服與京師同今  
 大行皇后崩逝欽奉

諭旨布告中外應由禮部臚黃遣官頒下直省令在外  
 文武各官於奉到

諭旨為始摘冠纓齊集公所哭臨三日持服通前二十  
 七日而除三日後照常辦事二十七日內文武各  
 官不嫁娶不作樂軍民人等摘冠纓七日七日內  
 不嫁娶不作樂其見在出征官軍悉免舉哀制服  
 督撫以下仍照舊例免其遣官進香從之

五月甲辰

冊諡



大行皇后日

孝賢皇后丙午

諭今年尋常陞殿日鳴鐘鼓樂懸而不作是日大學士等奏帝后雖云儷體而地道臣道天澤照然陞殿視朝事關典制非燕樂可比

孝賢皇后喪制應遵用

祖制百日後

皇上陞殿文武各官及外藩使臣行禮羣臣朝服均如常儀其作樂之處並照常舉行

皇上兩月除沐後卽應

御門聽政羣臣常服不掛數珠禮畢仍素服百日後遇御門之期羣臣常服掛數珠庶於禮制分義皆爲允協

再恭檢

孝誠仁皇后喪儀案卷內載百日以後期年以內王公以

下各官逢初五十五二十五等日咸朝服月朔初十二十等日補服皆掛數珠馬懸繁纓尋常入內奏事常服不掛數珠馬不懸繁纓等語今

孝賢皇后百日以後期年以前上朝坐班及入內奏事



皇朝文獻通考 卷二百四十九 九  
應悉遵此制至一切典禮應朝服采服之日仍如  
常儀所有原議入朝奏事用常服之處應通行改  
正得十等日斷取書冊禮部議奏等語常入內  
旨  
孝賢皇后大事一切典禮朕皆斟酌古今務協其宜蓋  
皇后坤寧正位體制原尊然以天子之禮視之則節  
文亦自有別縱令伉儷恩篤亦不可事事從而加厚  
以致失之太過卽或情誼稍有未洽亦不宜事事從  
而貶抑以致失之不及蓋皇后自有皇后之體制不

可以夫婦之私情爲之增損于其間也朕于

孝賢皇后情誼隆重固天下臣民所共知而經紀喪儀  
從不肯以一毫私意稍紊典常考明代嘉靖七年孝  
潔陳皇后之喪閣臣張璠援據古禮以爲喪服自期  
以下諸侯絕特爲旁期言若妻喪本自三年報服殺  
爲期年固未嘗絕上宜爲后服期等語其折衷頗爲  
允當今據大學士議奏禮儀內如溼殿作樂一節凡  
屬大朝祀典自當照例朕意今年內尋常陞殿但鳴  
鐘鼓樂懸而不作慶爲合宜至來年正月將屆期年



一切典禮著照康熙十四年之例如常儀餘依議

六月申明國恤百日內不剃頭之令是月奉

諭旨山東沂州府營都司姜興漢奉天錦州府知府金文淳皆于

孝賢皇后百日內剃頭經巡撫及副都統參奏已降旨交刑部問罪本朝定制遇有國恤百日以內皆不剃頭倘違例私犯

祖制立即處斬亦如進關時令漢人蓄髮彼不薙髮者無不處斬之理此百餘年人所共遵不待傳諭而後曉

是以會典律例皆無明文蓋以修會典時不過增損明季之舊章明朝原無此制也又以其事本理法所必當然不必載之簡冊卽如子孫孝養父母當食進食當衣加衣豈待專立科條然後盡其子職亦豈得以律令不載遂爲不孝者解免至謂漢人遂可不遵百日之制苟有此心卽與不肯薙髮者同尤不容誅也伊等身爲臣子豈有不遵國朝定制之理若謂出于不知豈不見他人尚未剃頭何以不推求其故安心違犯此卽立行正法以彰憲典亦無可恕然自朕



皇朝文獻通考 卷二百四十九  
思之律例會典實無明文而部文究未傳諭其所以  
未經聲明者亦因其爲衆所共知今旣明正其違犯  
之罪又當曲體其愚昧犯法之情且或遠方僻陋拘  
于二十七日除服之文遂有陷于不知或見他人有  
剃頭者卽謂事屬可行冒昧觸網此等情節又不得  
不格外矜原更恐外省見有此兩案諭旨慮蹈徇隱  
之愆紛紛叅奏國家亦無此體制可傳諭各督撫提  
鎮學政欽差各官等此旨未到之前或見在已經察  
出之案自當叅處不容廢法姑縱其餘未發覺者旣

不必再行飭叅旗人本屬當知若有喪心之徒不在  
此寬免之例嗣後將國恤百日內不得剃頭違者立  
卽處斬之處載入會典律例令人共知遵守朕惟率  
由

祖制欲使法在必行並無從寬從嚴之見存乎其間也

七月復

諭今日見江寧協領員缺保送之佐領尚未剃頭蓋伊  
等以旨到計日矣  
皇后大事滿百日剃頭皆當以事出之日爲始若以旨



到日計之則極遠省分益致遲久不齊從前會典未  
載入此條而禮部行文並未明白指示以致外省人  
員非失之不及則轉至矜持至于太過將此通行曉  
諭各省駐防處如有似此觀望未剃頭者皆令剃頭  
纂修會典時詳悉載入

十月戊子奉移

孝賢皇后梓宮於

靜安莊

十五年十二月定

孝賢皇后三周年後祭獻禮儀是月禮部奏恭查

孝誠仁皇后三周年後在沙河致祭之禮停止每日供獻  
及滿月致祭照

陵寢致祭例每月朔望供羊酒果品點香燭四時大祭陳  
俎豆牲帛醴齊點香燭讀祝文朝服致祭凡遇

典致祭供酒桌點香燭讀祝文致祭忌辰照周年  
禮供羹飯肴膳饌筵焚楮定讀文致祭雍正十一

年

孝敬憲皇后几筵前致祭改用補服伏思



陵寢致祭是於神牌前與

几筵前致祭究屬有別三年後若仍照常供獻又與喪

儀無殊謹擬

孝賢皇后三周年後停止滿月致祭及每日奠獻四時

祭祀忌辰致祭不陳冠服不設楮錢惟供肴膳饌

筵讀文行禮畢舉哀寒食進掛楮錢寶花一座除

夕陳楮錢二萬金銀定二萬同寶花送燎祭酒於

正中咸停齊集仍設儀駕祭日遣諸

皇子輪流祭酒恭遇

慶賀祭告仍照現今

靜安莊祭告禮行每月朔望供羊一饌筵一奠酒致

祭停止舉哀庶三年後之禮儀與神牌前祭祀皆

有分別從之

皇十七年十月庚子奉移

孝賢皇后梓宮於

陵寢

皇后喪儀初崩

皇帝冠去纓緯輟朝布告天下

皇朝文獻通考



皇子去冠纓卽次哭踊

妃

嬪暨

皇子福晉咸摘耳環去首飾卽次哭

皇子成服截髮辮居宮中別室

皇孫隨成服在京王公百官宗室覺羅及內務府所

屬官員皆成服王公子府第齋宿大臣官員于各

公署齋宿

皇子福晉成服剪髮

皇后官中女侍內監咸成服剪髮截髮辮

妃

嬪公主福晉以下二品命婦以上及內府三旗官員

護軍等妻皆成服

皇帝縞素以白綱為之旬有三日易素服閏二月釋服

親詣

筵前視奠仍素服至暮年除

皇子喪服百日易素服詣

几筵前仍喪服二十七月而除



皇子福晉服如之

妃

嬪服二十七日

皇孫及恭理喪儀王大臣

殯官守衛執事各官百日除服羣臣二十七日除服皆

百日薙髮十三日內文移用藍印京朝官二十七

日不作樂不嫁娶

右初崩制服

其日殮奠所司于奉安

梓宮殿內正中施黃幔左右素帷內鑾儀校陳

儀駕于

宮門外諸執事皆辦

皇帝親臨視奠至丹陛正中降輿

後凡親臨奠儀同

皇子立丹陛東

妃

嬪公主及在內福晉立

几筵殿內王公以下文武二品官以上立

宮門外三品以下官立外門之外王公福晉夫人郡



宮主以下三品命婦以上立之公主命婦夫人將  
宮門內丹墀西三品以下命婦立

宮門外之西皆齊集舉哀男摘冠纓女去首飾內務  
府總管命婦率尚茶女官奉茶尚膳女官奉膳由

皇中門入尚茶女官跪進茶恭奠于案行一叩禮

皇皇子以下皆北面跪叩徹茶尚膳女官揭巾幕上食  
宮畢執事官進奠凡

皇帝詣奠位坐西向奉爵大臣跪進爵

皇帝受爵三奠

皇子以下皆行三叩禮乃徹奠哭止

皇帝乘輿還宮

皇子返苦次衆各退

右殮奠

越日內閣繕

勅下禮部恭鑄膳黃

頒于直省遣使齋諭朝鮮國王理藩院遣官分路往諭  
外藩蒙古均如頒

詔儀



勅到之日順天府尹率屬制服跪迎宣讀畢奉安公署  
 舉哀直省督撫率所屬文武各官跪迎宣讀奉安  
 于會城公署分駐之提鎮道府州縣各奉安于治  
 所舉哀皆朝夕哭臨三日移文各省督撫提鎮免  
 其遣官進香直省官二十七日不作樂不嫁娶皆  
 百日薙髮以初喪日為始不以  
 詔到日為始軍民素服七日不  
 作樂不嫁娶外藩蒙古王公台吉等公主福晉等  
 服內來京者皆成服除服後來京者男摘纓女去  
 首飾各三日朝鮮使臣同

右頒勅

成服後朝晡日中三設奠朝晡奠進羹飯育饌午  
 奠進饌筵一如事生儀  
 朝晡設儀駕每奠王公百官咸齊集質明欽天監  
 報時各執事皆辦執事官告朝奠

皇子出苦次詣

几筵前西嚮舉哀乃啟門恭理喪儀王公大臣內務府  
 總管及內務府總管命婦內管領妻率尚膳尚茶  
 女官舉茶膳由中門中路進呈

几筵前尚茶女官跪進茶衆咸跪恭奠于茶案行一叩



皇朝文獻通考 卷二百四十九  
禮衆隨行禮尚茶女官徹茶次尚膳女官進膳上  
食畢執事官進奠几于正中

皇子詣几前跪執事官跪進爵

皇子三祭酒每祭行一叩禮衆隨行禮興乃徹饌出

闔門哀止

皇子還苦次衆皆退午奠晡奠儀同

右朝晡日中奠

諏日行殷奠禮饌筵二十一席羊九酒十有一尊  
楮帛九萬設儀駕陳冠服張黃幕於

宮門外之右設反坫具尊罍王公百官公主福晉命  
婦咸齊集陳俎二豆于

几筵前列饌筵于丹陛兩旁陳羊酒于黃幕積楮帛于  
燎所設祭文案于東檐下禮部堂官奉祭文侍郎  
二人前引由中門入祇設于案退

皇帝親臨上食畢讀祝官奉祭文至闕外正中跪

皇子跪衆皆跪哀暫止讀文畢執事進奠几

皇帝坐祭酒三爵每祭

皇子行一叩禮衆隨行禮舉哀畢徹饌



皇帝還宮讀祝官奉祭文禮部堂官前引至燎所付內  
監退王公百官咸退次女官奉冠服內監十人前  
引恭送燎所

皇子隨出齊集王福晉命婦內府婦女皆隨出

皇子福晉出詣燎所祭酒三爵舉哀衆隨行禮舉哀  
畢乃焚冠服楮帛各退

右殷奠

諏日奉移

殯宮先期以奉移告

几筵行啟奠禮陳設讀文行禮均與殷奠同至日奉移  
梓宮於

殯官豫設大昇輦於

景運門外屆時

皇帝親臨祭酒三爵恭理喪儀王大臣鑾儀衛工部堂  
官率校尉恭進小輦奉

梓宮由

乾清門右門出至

景運門外登大昇輦禮部尚書祭輦內大臣祭所過



皇朝文獻通考 卷二百四十九  
門橋皆三祭酒每祭行一叩禮焚楮帛  
皇子步送王公百官各以次隨行

妃嬪等先詣

殯殿後左旁恭俟

靈駕至行奉安禮列几筵陳

冊寶於左右

皇子祭酒衆隨行禮舉哀畢焚丹旒各退

右奉移殯宮

諷日行初祭禮設儀駕於

殯宮門外陳饌筵八十一席羊二十七酒四十一尊楮

製丹旒一楮帛四十萬五千張黃幕於二門外之

右設反坫尊壘具齊集上食讀文祭酒送燎如前

儀翼日繹祭陳饌筵十有一席羊五酒五尊楮帛

三萬不設儀駕不齊集不讀祝惟恭理喪儀大臣

內務府禮部工部光祿寺堂官執事餘如儀

右初祭

諷日行大祭禮陳設禮儀與初祭同翼日繹祭陳

設禮儀與初祭次日繹祭同



右大祭

周月奠獻陳饌筵二十一席半九酒九尊楮帛十萬

皇子行禮儀與啟奠同凡月奠儀同

右月祭

內閣承

旨恭擬

諡號

勅工部製

冊寶誨吉行

冊諡禮前期遣官祇告於

太廟後殿

奉先殿至日設儀駕於

殯宮大門外恭理喪儀王公大臣內務府總管率內府

太常官進立

冊寶案視內監設於

几筵前兩旁內府官設

御座於



皇朝文獻通考 卷一百四十九  
三  
齋太和門正中鴻臚寺官設

冊寶案於

御座之南左右鑾儀衛設黃亭於堦下正副使素服於

堦下西嚮立禮部官預奉絹

冊寶陳亭內內閣官奉香

冊寶升堦陳於案三叩退禮部堂官奏請

皇帝素服御太和門升座正副使由東階升詣

冊寶案前一跪三叩興正使奉

冊副使奉

寶由中階降陳於各黃亭跪叩如前禮畢

皇帝還宮校尉昇亭御仗前導王以下入八分公以上

齊集

協和門外

冊寶亭至跪候過隨行民公侯伯以下四品官以上咸

於

殯宮大門外按翼序立

冊寶亭至跪迎亭由大門入至內門止禮部堂官奉絹

冊寶入授內官先陳於案退正副使詣亭前三叩恭奉



香

册寶由中門入陳于案三叩興鳴贊贊上香正使上香

復原位贊宣

册內官奉授宣

册官於檻外宣訖仍授內官復於案宣

寶儀同正使奉

册副使奉

寶授內官陳於

几筵左右行一跪三叩禮興由殿西門出太常贊引官

引正使於

殿外階上拜位立鴻臚官引

皇子王以下人八分公以上於二門內四品官以上

於大門外按翼序立上香奠帛讀祝三獻爵如儀

奠獻均用內官祝文內官奉至門外禮畢內官奉

讀祝官跪受讀畢仍授內官安設

絹  
册寶祝帛授各執事官恭送燎所燎訖眾各退禮成正

副使復

命翼日頒



詔天下

右冊諡

百日奠獻陳饌筵二十五席羊九酒十有三尊楮帛十萬五千儀同初祭

右百日祭

期年小祥讀文致祭陳設禮儀與百日奠獻同

右小祥

再期大祥陳設禮儀與期年同

三周致祭儀同

右大祥

二十七月行除服禮

皇子喪服行奠獻禮王公百官隨行禮陳設禮儀與

百日禮同祭畢

皇子除服

右除服

皇朝文獻通考 卷一百四十九

皇朝文獻通考 卷一百四十九



皇朝文獻通考

皇朝文獻通考

皇朝文獻通考

皇朝文獻通考

皇朝文獻通考卷一百四十九





